

**JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR
BROJ: 01-03-04-04-111/23
Dana, 12.06.2023. godine
Sarajevo, Vrazova 11**

Na osnovu člana 38. stav 1. alineja (r) Statuta Javne ustanove Dom zdravlja Kantona Sarajevo i člana 6. Odluke o izmjenama i dopunama Statuta Javne ustanove Dom zdravlja Kantona Sarajevo, generalni direktor donosi:

**ODLUKU
o
isplati regresa**

I

Odobrava se isplata regresa u iznosu od 580,50 KM za 1932 radnika koji su u toku 2023. godine stekli ili će steći pravo na korištenje godišnjeg odmora.

II

Radnicima Ustanove, ukupno 16 radnika koji su sa danom 05.06.2023. godine otišli u penziju i iskoristili godišnji odmor iz 2023. godine, regres će biti isplaćen u cjelokupnom iznosu od 580,50 KM, kao i za 5 radnika kojima je odobreno neplaćeno odsustvo, a iskoristili su godišnji odmor iz 2023. godine i 4 radnika kojima je prestao radni odnos u Ustanovi, a iskoristili su cijeli godišnji odmor za 2023. godinu.

III

Radniku koji podnese zahtjev za korištenje godišnjeg odmora nakon 01.07. tekuće godine, regres će se isplatiti u cjelokupnom iznosu od 580,50 KM uz izdavanje rješenja o korištenju godišnjeg odmora.

IV

Sa spiska za isplatu regresa izuzeti su radnici koji su se u momentu isplate regresa nalazili na dužem bolovanju, porodijskom odsustvu koji nisu iskoristili godišnji odmor za 2023. godinu, te radnici koji su trenutno na neplaćenom odsustvu i novoprimitljeni radnici koji nisu stekli uslov za korištenje prava na godišnji odmor do dana 05.06.2023. godine, a koji će pravo na isplatu regresa steći sa sticanjem prava na korištenje godišnjeg odmora za 2023. godinu.

V

Isplata će se vršiti po doznačenim sredstvima od strane Zavoda zdravstvenog osiguranja Kantona Sarajevo, a prema tabelama radnika dostavljenim iz Odjela za radne i kadrovske poslove - SPKOP.

VI

Ova Odluka stupa na snagu danom donošenja.

Obrazloženje

Dana 08.06.2023. godine Služba ekonomsko finansijskih poslova JUDZKS dostavila je informaciju da je potrebno pripremiti odluku o isplati regresa u iznosu od 580,50 KM. Dana 12.06.2023. godine Odjel za radne i kadrovske poslove – SPKOP dostavio je korigovan spisak radnika Javne ustanove Dom zdravlja Kantona Sarajevo za isplatu regresa, na kojem se nalazi 1932 radnika, te 16 radnika koji su sa danom 05.06.2023. godine otišli u penziju i iskoristili godišnji odmor iz 2023. godine, kao i 5 radnika kojima je odobreno neplaćeno odsustvo, a iskoristili su godišnji odmor iz 2023. godine i 4 radnika kojima je prestao radni odnos u Ustanovi, a iskoristili su cijeli godišnji odmor za 2023. godinu. Sa spiska za isplatu regresa izuzeti su radnici koji su se u momentu isplate regresa nalazili na dužem bolovanju, porodijskom odsustvu, koji nisu iskoristili godišnji odmor za 2023. godinu, te radnici koji su trenutno na neplaćenom odsustvu i novoprimitljeni radnici koji nisu stekli uslov za korištenje prava na godišnji odmor do dana 05.06.2023. godine, a koji će pravo na isplatu regresa steći sa sticanjem prava na korištenje godišnjeg odmora za 2023. godinu. Na dan 05.06.2023. godine ukupan broj zaposlenih u Ustanovi je 2040. Imajući u vidu da se naknada za isplatu regresa isplaćuje radnicima za korištenje godišnjeg odmora, za tekuću godinu, odlučeno je kao u dispozitivu ove Odluke.

DOSTAVITI:

- SEFP
- SPKOP
- CNNID (za web stranicu)
- a/a



GENERALNI DIREKTOR

Doc.dr.sc. Abel Baltić